

Warmakunapaq Chuya Qellqa



Hanaq
pachaga Diospa
yachakunan
ancha sumaq
wasim



Kaytam qellqaykamurqa: Edward Hughes

Dibujonkunatam ruwaykamurqa: Lazarus
Alastair Paterson

Warmakunapaq hinam tupaykachimurqa:
Sarah S.

Siminchikmanmi tikraykamurqa: Hugo Garay Aucapuella


Qamkunamanmi chayaykachimusunkichik:
Bible for Children
www.M1914.org

©2020 Bible for Children, Inc.

Autorizasqam kankichik kay yachachikuykunata mirachispa hukkunaman
chayachinaykichikpaq, ichaqa manam imaraykupas rantikuwaqchikchu.



Jesusmi kay pachapiraq kachkaspan,
discipulonkunaman imaynam hanaq
pacha kasqanmanta willaspan
nirqa: "Taytaya yachanan
wasi", nispan. Chaypiqa
achkallañas yachanapaq
sumaq wasikuna
kachkan. Kay pachapi
imapas kuyayllapaq
kaqkunamantaqa,



hanaq pachaga aswan anchapas sumaqmi.




Jesusmi nirqa: "kutispaymi qamkunapaq wasita
allichamusaq, allicharamuspaymi kutimuspay ñoqapa
kasqayman pusasqaykichik" nispan. Jesusqa
wañusqanmanta kawsariramuspanmi hanaq
pachaman kutikurqa.



Discipulonkuna qawachkaptinkum hanaq pachaman
apasqa karka, hinachkaptinmi puyu pampaykurqa,
chaymi manaña rikurqakuchu.




Chay punchawmanta qepamanmi, llapallan
iñiqninkuna pusawananchikpaq Jesuspa kutimunanta
suyachkanchik. Jesusmi nirqa "mana
musyasqaykichik punchawtam
qonqayta kutimusaq"
nispan. Chaynaqa çimataq
pasakunqa manaraq Jesús
kutimuchkaptin
wañukuqkunawan?



Dioswan
kawsakuy




Chuya Qellqam nin, paykunaga Jesuspa qayllanmanña pasakusqankuta. Aycha kuerpota saqeyqa Jesuspa kasqanmanña ripukuymi.



Chuya Qellqapa tukupayninpi tarikuq
Apocalipsis librom willakun hanaq pachaga anchapas
kuyayllapaq kasqanta. May kaspapas chay sumaq
wasim Diosqa yachakunan wasi. Diosqa enteronpim

tarikun, chaywanpas
tiyanan tronom
hanaq pachapi
tarikun.



Hanaq pachapiqa angelkunawan tukuy unanchasqa
kaqkunam Diosta hatunchachkanku. Diospa
churinkunamanta wañukuspanku
hanaq pachamanña ripukuq
runakunapas Diostañam chaypi
yupaychachkanku. Diostaqa
tukuy rikchaq sumaq
takikunawanmi
yupay-
chachkanku.




Apocalipsisimi pichqa kaq rakinpa isqon kaq
patachayninpi, chaypi takisqanku takimanta hukta
willawaspanchik nin: ¡MAYNA
HATUNMI KANKI, ... MAY
LLAQTAYUQÑA, IMA
RIMAYNIYUQÑA
KAPTIYKUPAS ...




... YAWARNIKIWANMI DIOSPAQ
RANTIRUWANKIKU,
CHAYNATAM DIOSPA
REYNINKUNAÑA CHAYNATAQ
SACERDOTENKUNAÑA
KANAYKUPAQ
CHURAYKUWANKIKU!
nispan.



Chuya Qellqapa tukupaynin willakuykunam hanaq pachata sutichan "Musoq Jerusalén" nispan. Chayqa hatu-hatun llaqtam, perqankunapas ancha hatunmi.




Perqankunapas anchapas achkirichkaq jaspe
rumikunawan perqasqam kachkan, perqanpa
cimientonkunapas ancha kuyayllapaq alhaja
rumikunawan hatarichisqam kachkan, chaykunam
kuyayllapaqta llipipichkan. Punkunkunapas




chulla
perlasllamanta
ruwasqakamam,
nispan.




Chay perlasmananta ruwasqa hatun punkukunaga
manam haykapipas wichqakunchu. Chaynaga
yaykuykuspayá qawaykusun: Hanaq pachaga
yaykuykuptinchikqa anchapas admirakuypaq hinaspa
kuyayllapaqmi.




Tukuy imapas chaypiqa qorimanta ruwasqam tarikun,
espejo hinañam kancharichkan. Purinapaq
ñanninkunapas qorimanta ruwasqakamam.



Diospa trononmantam kancharichkaq mayu
lloqsichkan, chay mayupa iskay lawnin patankunapim
kawsay qokuq sacha tarikun, chay sachaga Edén
huertapim puntata tarikurqa. Chay sachaga manam
wakin sachakuna hinachu: Chay sachaga watapin
chunka iskayniyuq clase rurukunata rurun, sapa killa
huk clase rurutakama. Chay sachapa llagenkunam
nacionkuna llapa onqoyninmanta hampisqa
kananpaq hampi.



Hanaq pachaqqa kancharisqa kananpaqqa manañam
intitapas nitaq killatapas nesitanñachu, aswanqa
Diosllañam tukuy atiy ninwan suma sumaqta
kancharin, chaypiqa tutapas manañam kanchu.



Hanaq pachapiqa purun animalkunapas manam manchachikunñachu, aswanqa kuyayllapaq mansochakunañam. Atoqkunapas uña chitachakunawan kuskam pastotaña mikunku. Leonkunapas vacakunawan kuskam pastotaña mikukunku. Señormi nin: "Yachanaypiqa manañam pipas waqtanpi kaqtaqa mikunqañachu nitaq dañotapas ruwanqañachu" nispan.



Sumaqta qawariptinchikqa, hanaq pachapiqa manam
lliwchu imapas tarikunqa. Arí, chaypiqa manañam
piñakuspa mana allin

rimaykunaga
uyarikunqachu,
manataqmi
pipas
kikillanpaq
munaspaga
piwanpas
Peleanq-
añachu.



Punkukunapaqpas manam pipas llavetaqa apanqachu,
chaypiqa manañam suwapas kanchu. Chaymanqa
llullakunapas, wañuchi qkunapas,
layqakunapas,

ni ima mana
allin ruwaqpas
manam
Yaykunq-
achu.


Chaypiqa
manañam
pipas
huchataqa
ruwanqañachu.



Hanaq pachapiqa manañam
waqay-llakiypas kanqañachu.
Kay pachapiqa Diospa
churinkunapas waqanchikmi,
hanaq pachapiqa Diosñam
weqenchikta pichaykunqa.




Wañuypas manañam chaypiqa kanqañachu.
Churinkunaqa wiñaypaqmi Señorwan kawsakusun.
Llakikuypas, nanaypas, ima sasachakuypas chaypiqa
tukurunñam, onqoywan
wañuypas manañam
chaypiqa kanñachu.



Chaypi kaqkunaqa Iliwmi Dioswan kusiona
kawsakuchkanku. Hanaq pachaga qarimanta
warmimanta kaspapas llapallan runakunapagmi.
Warmakunapas hatun runakunapas yaykuytaqa
atinmankum.

Chaypagmi
paykuna
Jesusta
salvaqninkupaq
chaskispa
paypi
iñikunanku.



Hanaq pachapim tarikun Diospa Churinpa libron.
Sutinmi kawsay qellqa. Chay librom runakunapa
sutinwan huntarisqa tarikun. ¿Yaqachu yachanki ima
sutikunam chaypi qellqasqa kasqanta? Chaypiqa
qellqasqa kachkan Cristopi iñikuqkunapa
sutinkum.

¿Yaqachu sutiki chay
libropi tarikuchkan
icha manachu?



Chuya Qellqam hanaq pachamanta willakuyninpa
tukupayninpi, llapallan runata qayaspan nin:
Chuya Espirituwan Cristopa esposanmi nin:
¡HAMUYCHIK! nispa.



Lliw uyariqkunapas kaynatayá nichunku:
¡HAMUYCHIK! nispa. Pipas yakunayasqa kaspaga
hamuspayá kawsachikuq yakutayá mana
imallapaq tomachun, nispa.



Hanaq pachaga Diospa
yachakunan ancha sumaq wasim

Kay willakuyqa Diospa siminpa utaq Chuya
Qellqapa partenmi

Kay willakuymi tarikun

Juan 14, 2 Corintios 5,
Apocalipsis 4, 21, 22

"Simikimanta yachachikuykunaga achkirinmi."
Salmo pachak chunka isgonniyuq rakinpa pachak
kimsachunkan patachaynin



Tukupaynin



Kay willakuymi tukuy atiyuniyuq Dioninchikmanta rimapayawanchik,
payqa unanchaqninchikmi, chayraykum reqsiykunaykita munan.

Diosqa yachanmi mana allinkunata ruwaq kasqanchikta, chaykunatam
hucha nispa sutichan. Huchapa pagonqa wañuymi, chaywanpas Diosmi
anchata kuyasusqaykirayku sapallan churin Jesusta kachamurqa, paymi
huchaykimanta castigasqa kaspan cruzpi chakatasqa wañurqa.
Chaymantam, wañusqanmanta kawsariramuspan hanaq pacha wasinman
kutirqa. Sichum Jesuspi iñikuspa huchaykikunata pampachaykunapaq
mañakunki hinaptinga pampachaykunqam, hinaspanmi qampiña
kawsakunqa, qampas paypiñataqmi wiñaypaq kawsakunki.

Sichum chay cheqap kasqanta iñinki hinaspaqa, Diostayá kaynata
mañakuy: Ancha kuyakuq Jesús, iñinim qamqa Dios kasqaykita,
huchaykunarayku wañunaykipaqmi runayaykurqanki, chaywanpas
kunanga kawsachkankim. Mañakuykim sonqoyman yaykuykuspa
huchaykunata pampachaykunaykipaq, chaynapi musoq kawsayniyuqña
kaspay qanwan huk punchaw wiñaypaq kawsakunaypaq. Qampa churiki
hina kawsaspay simikita kasukunaypaq yanapaykuway. Amén.

Chuya Qellqata qawaspaykiyá Dioswan sapa
punchaw parlay. Juan 3:16

